

DISSERTATIO PHYSICA
DE
FLUIDIS IN GENERE
CUJUS
PORTIONEM PRIOREM
SUB AUSPICIIS DIVINIS

P R Æ S I D E

JAC. LUDOVICO SCHURERO

PHIL. ET MED. D. PHYS. PR. P. O. CAP. THOM. CAN.

IN ALMA ARGENTORATENSIVM UNIVERSITATE

SOLENNI ERUDITORVM EXAMINI SUBMITTET

AD D. XXVII. SEPTEMBR. A. MDCCLXXVII.

P H I L I P P U S J A C O B U S
J E N S F E L D E R

ARGENTORATENSIS.

H. L. Q. C.

ARGENTORATI,

Typis JOH. HENRICI HEITZII, Universitatis Typogr.

8
COLLEGIUM WILHELMITANUM
P R A E F E C T I S
MUNIFICENTISSIMIS

V X R O

MAGNIFICO, AMPLISSIMO, CONSULTISSIMO,

D. FRANC. HENR. STÄEDEL,
REGIAE CIVITATIS ARGENTORATENSIS
TREDECIMVIRO SPLENDIDISSIMO,

V X R O

CONSULTISSIMO, AMPLISSIMO, PRUDENTISSIMO,

D. ELIAE BRACKENHOFFER,
REGIAE CIVITATIS ARGENTORATENSIS
QUINDECIMVIRO GRAVISSIMO

NEC NON

AMPLISSIMIS VENERANDIS

COLLEGIUM WILHELMITANUM
VISITATORIBUS

ATQUE

INSPECTORI
PATRONIS, BENEFACTORIBUS,
FAUTORIBUS,


IN PARENTUM LOCO COLENDIS,

DISSERTATIONEM HANC

IN GRATISSIMI ANIMI PIGNUS


DEDICAT

PHILIPPUS JACOBUS ENSFELDER,
COLL. WILH. ALUMNUS.



DE FLUIDIS IN GENERE.

§. I.



Res naturales secundum resistantiam, quam viribus earum particulas separantibus opponunt, in *firma* & *fluida* corpora distinguuntur. Ut firmorum corporum partes appositæ & quocunque modo coacervatæ, majoribus viribus, quam illis, quibus sibi mutuo impositæ & applicitæ fuerunt, divelluntur; ita fluidorum particulæ utcunque sensibiles facillime separantur & cuilibet impressioni, quocunque modo dirigatur, cedentes, aptissime sine integræ massæ motu agitantur.

Aristotelem & post eum Archimedem sub nomine *ὕγρον* non tantum humida, aut quæ humectant & madefaciunt corpora, sed etiam quicquid fluidum liquidumque est, intellexisse, non modo iustissime GASSENDI in *Comment. ad X. Lib. Diog. Laërt.* T. I. pag. 332. animadvertit, verum ex ipsa Aristotelis *τὸ ὑγρὸν* definitione patet, quam in Lib. II. C. 2. de *generatione* & *corruptione* dedit, qui sub hoc nomine comprehendit, quicquid facile alienis, propriis tamen limitibus non terminatur. Nec ei definitioni aliæ aliorum Philosophorum definitiones adversantur, NEWTONUS



enim fluida vocavit ea corpora, quorum partes omni vi impressæ cedunt, & quæ facile inter se moventur; *Princip.* Lib. II. Sect. V. ab init. & HERRMANN in *Phoronom.* Lib. II. Sect. I. p. 125. fluida definivit, quæ a vi quacunque in ea agente commoveri possunt, quamvis tota fluidi massa oculorum judicio quiescere videatur.

§. II.

Fluida vulgo in *sicca* & *humida* distinguuntur. Horum particulæ, cuti nostræ adhærentes, nobis madoris sensum imprimunt, uti aqua, vinum, olea &c. Illorum autem partes ita constitutas esse prædicant, ut, si tangantur, siccitatis sensum nobis imprimant, quo nomine flammam, aërem purum, hydrargyrum &c. sumunt.

Hæc divisio fluidorum nec magni usus est, nec ad classes horum corporum bene distinguendas valet. Sæpe enim pro vario statu fluidorum & varia ratione & proportionem corporum, quæ in aggregationem suam recipiunt, tandemque pro diversa ignis actione, qua peregrina illa inter poros fluidorum accepta eliminantur, idem fluidum modo siccum modo humidum judicatur. Vid. DE LANIS *Mag. nat. & artis* T. II. p. 314. col. a.

Præterea pro varia organorum nostrorum constitutione & pro diversis proprietatibus corporum, quibus digiti nostri vel circumcinguntur vel investiuntur, horumque corporum exigua cum fluidis, quibus digitos immergimus, affinitate, fluidum, quod alias humidum judicarem, quasi humiditate omni destitutum videtur. Ita aqua, cujus superficie Lycopodii semen inspergitur, digito ei immisso, nullam humiditatis impressionem facit, licet idem ille pulvis spiritui vini inspersus, cum quo nimirum ob inflam-



mabilem naturam aptius, quam cum aqua simplici convenit, humiditatis impressionem non aboleat. Qui autem humidum appellarunt, quod aliorum poros subingreditur, aut superficiei eorum adhæret; tum quidem non aqua tantum respectu sebi & unguinosorum corporum, quibus non adhæret, ceu non humida habenda esset, sed etiam eo sensu hydrargyrum, quatenus auro, argento, stanno aliisque adhæret metallis, horum respectu humidum vocaretur. Quæ itaque, cum nonnisi vaga sint & incondita, hodie ex scholis physicis eliminata sunt. Vid. CHAUVIN *Lexic. Philos.* titulo *humiditas*.

§. III.

Fluida præterea respectu figuræ, quæ externam eorum superficiem claudit, in *liquida* & *non liquida* discernere solent. Liquida, si tranquilla sint, nec à causis impressis agitentur, superficiei ad solum parallela terminantur; qualia sunt hydrargyrum, aqua, oleum, vinum aliaque. Non liquida vero, modo hac modo alia superficierum specie terminantur, ad quæ flammam, fumum & vapores referunt.

Nec hæc divisio satis apta & accurata esse videtur. Quod si enim quibuscunque fluidorum terrestrium particulis gravitas competat, eaque ipsas eodem modo afficiat, siue in quiete siue in motu quocunque constituta sint, omnia fluida terrestria, nequidem fumo & halitibus exceptis, horizontali superficiei clauderentur; nisi aliqua partium agitatio accideret, aut fluida ista ab impetibus externis, aut mixtura cum peregrinis fluidis impedirentur, aut pro varia affinitate, quæ inter particulas vaporum halituumque & fluida, quibus involvuntur, obtinet, libera gravitatis



actio perturbaretur, & ita apparens figuræ anomalia produceretur.

Præterea liquida ipsa pro varia partium ea constituentium tenacitate, diversa parietum vasorum, in quibus continentur, in vicinissimas particulas actione, mox convexa, ut hydrargyrum, mox concava superficie, uti aqua, vinum, oleum terminantur, & a plana & horizontali positione eo magis abscedunt, quo angustiora sunt vasa, quibus infusa sunt. Vid. cl. BOSSUT *Hydrodyn.* T. I. p. 3. fq.

§. IV.

Fluida quoque in *tenuia* & *crassa* distinguuntur. Illa quidem vocantur talia, quæ ex particulis mobilioribus & minima vi inter se invicem cohærentibus constant: hæc autem tenaciora & viscidiora sunt, eorumque particulæ a se invicem lentius, quam tenuiorum fluidorum partes separantur.

Quamvis non negandum, fluida alia aliis tenuiora dari, interim tamen hæc distinctio ad naturam fluidorum definendam parum confert, quia terminum non habemus, cum quo cohærentiæ illæ partium fluidarum diversæ comparari possint. Nec major aut minor tenacitas syruporum, mellis, oleorum, aquæ, mercurii, aëris, definitioni, quam de fluidis dedimus, repugnat, cum & in tenacissimis fluidis cohærentia adhuc multo minor sit, ac in mollibus corporibus. Videtur tamen naturam juxta continuitatis legem paulatim & gradatim a duritie ad mollitiem, & de hac ad fluiditatem, & vice versa, procedere. Interdum etiam observamus densitatem majorem, non simul majorem supponere tenacitatem, uti jam MICHELOTTI de *Separat. fluidor. in Corp. anim.* p. 36. notavit. Mel enim multo tenacius mercurio, mercurius tamen melle 10^{ies} densior est.



Aqua oleo terebinthinæ tenacitate & lentore cedit; hoc tamen aqua rarius est. Dependere hæc videntur ab attractione, qua materiæ particulæ cohærent & majores partes constituunt, quarum vis cohærentiæ minor est; hæc iterum majores & ita porro efficiunt moles, donec ad maximas tandem perveniatur, quæ corpora constituunt magnitudine sub sensus cadente. Ita prouti vel partes eorum corporum pressæ, sine ulla partium suarum sublapsu introcedant, corpora dura conficiunt; aut partes pressæ sublabantur, mollia constituunt: si vero partes facillime collabantur & magnitudine sint ea, qua calore facile agitari queant, calorque satis magnus ad eas agitandas accedat, jam corpus illud fluidum est. Vid. NEWTONI *Optic.* Lib. III. Quæst. 31. p. 320.

§. V.

Melius fluida, quæ in examen physicum vocari possunt, in *incompressilia* & *compressilia* dividuntur. Incompressilia *a*), quocunque modo & quibuscunque prementibus viribus actu sollicitentur, in minus spatium redigi nequeunt, aut deficiente vi premente non in majus volumen distenduntur. Ad ejusmodi fluida pertinent aqua *b*), oleum, mercurius, vinum *c*) &c. quæ, quando globo poroso & flexili plumbeo, stanneo, aureo, quem penitus implent, committuntur, & globo exactissime clauso prælo subjiciuntur, e complanati globi poris sub roris forma exsudant, aut si vas, quod replent, rigidum est, hoc à premente fluido dirumpatur. Compressilia autem fluida, si premantur, in minus spatium redigi possunt, & viribus prementibus, aut diminutis, aut sublatis, in majus volumen expanduntur. Qua-



lia fluida sunt aër *d*), vapores aquæ *e*), spiritus vini, olei calidi, ignis electricus, ignis communis, lucis materia *f*).

a) Varias quidem mutationes, ut firma, ita etiam fluida respectu voluminis, in quod eadem materiæ quantitas cogitur, subire possunt, sive jam à causa quadam extrinsecus partibus applicata, sive à peregrina materia, diversa in copia, partibus reliquis affusa dependeat. NOLLET *Leçons de Phys.* T. I. p. 116. Ut autem corpora firma in *non elastica* & *elastica* discernuntur, & non elastica dicuntur, quorum partes vel non sublabuntur, vel saltem sublapsæ non restituntur, elastica autem audiunt, quorum partes sublapsæ, sublatis prementibus viribus, in pristinas sedes redeunt, ita etiam fluida ex eodem fundamento in *incompressilia* & *compressilia* distinguuntur. Incompressilia ex durissimis & prementibus viribus cedere nesciis partibus constant; quales sunt aquæ communis particulæ. Compressilia autem constant ex particulis, quæ flecti & sublabi possunt, si viribus extrinsecus prementibus sollicitentur, & eo magis flectuntur & sublabuntur, quo intensior est vis prementis actio; uti illud aër communis indicat. Non autem compressionem cum condensatione & compressilitatem cum condensabilitate (sit venia his verbis) confundere debemus, licet interdum virium comprimentium, condensantiumque effectus similes sint & eadem specie sese offerant, hoc est, ab utriusque generis viribus eadem materiæ quantitas in minus volumen contrahatur. Compressio fit, quando causa quadam extrinsecus corpori applicata, hoc in minus volumen redigitur. Ita si vesica clausa aërem continens vel manibus, vel pondere, vel quacunque alia pressione exterius urgeatur, complanetur, & aëris eadem massa in minus spatium redigatur; actio vis prementis *compressio*, & facultas aëris sese in minus spatium redigendi *com-*

pressilitas appellatur. Quando autem causa vel vis intrinsecus massæ alicujus partes distrahens & distendens eliminatur, actio illius vis *condensatio*, & facultas corporis, qua ejecta & dissipata vi, partes distendente, in minus volumen coguntur, *condensabilitas* audit. Ita ut eodem, quo antea, utamur exemplo, vesica clausa, certa aeris copia inflata, carbonibus ardentibus admota, ab aëre ignis ope expanso magis intumescit, remota autem ab igne vesica, propter aërem contractum iterum detumescit. Ergo frigoris vel ignis avolantis actio, condensationis; aeris se contrahentis mutatio, condensabilitatis exemplum dat. Quoniam vero non tantum quod firmum est, sed etiam quidquid fluidi est, certo saltem respectu in angustius volumen contrahitur, prouti ignis ex istis corporibus avolavit, fluida quidem multa condensabilia sunt, quæ tamen compressilia dici nequeunt. V. SAVERIEN *Diction. de Mathemat. & de Phys.* T. I. p. 202. sq.

b) Aquam communem nulla arte nullaque pressione externa in minus spatium cogi posse, variis experimentis PHILOSOPHI DEL CIMENTO docuerunt, vide eorum *tentam.* T. II. p. 63. licet ex tentaminibus non accurate institutis ante eos Baco de Verulamio, Hon. Fabri & Chauvinus concluderint, aquam in globis metallicis compressilem esse. Compressilitas autem apparens aquæ in ipforum periculis dependebat, quod non sollicitè omnem aërem, globi cavitationem & poros aquæ obsidentem ejecerint. Hinc quomodo hæc tentamina, quam possint, accuratissime instituantur, præcipit cl. NOLLET in *art de faire les expér.* Tom. II. p. 42. sqq.

c) Vinum, acetum, spiritum vini, olea etiam ad incompressilia pertinere MUSSCHENBR. T. II. §. 1446. ostendit. Hanc quidem aquæ & aliorum fluidorum, in quorum compositionem aqua ingreditur, incompressilitatem a particularum duritie derivandam esse docuit Ill. BOERHAVE *Chem. Theor.*



pag. 561. fqq. Duritiem autem partibus aquæ magnam inesse, jam ARISTOTELES *de Meteor.* Lib. IV. C. 4. agnovit.

- d) Aër tam naturalis & communis, quàm factitius, qui ex corporum aggregatione & compositione liberatus est, in eo minus spatium redigitur, quo major est vis compri-
mens, & e contrario in eo majus volumen expanditur, quo magis premens vis diminuta fuit. Hanc aëris proprietatem sese contrahendi dilatandique primum per mercu-
rium in tubo Torricelliano pro vario aëris pondere ascen-
dentem & descendentem PASCAL observavit, atque MA-
RIOTTE primum Legem elasticitatis aëris detexit: Spatia
nimirum ab aëre occupata in ratione ponderum premen-
tium reciproca versari.
- e) Vapores aquæ ebullientis ingentes vires exercere, primum
PAPINUS & post eum AMONTONS & SAVERY observarunt,
qui vapore aqueo diversa ratione applicato, ad aquam ele-
vandam usi sunt. Vide PAPINI *tractatum, de aqua vi ignis*
elevanda. AMONTONS *dissertat. Mem. de l'Acad. R. des Sc.*
1669. p. 154. insertam. Saverianam Machinam DESAGU-
LIERS *Cours of exper. Philos.* T. II. Lect. 12. S. 13. WEID-
LERUS in dissertatione, quæ inscribitur: *Descriptio Ma-*
chine Londinensis. BOSSUT *Hydrodynam.* T. I. §. 145. fqq.
descripserunt. Nec absimilis est vis expandens pulveris pyrii
accensi. Quod si enim nitrum ope sulphuris & carbonum
in statum ignitionis positorum destruat, tunc quidem
non tantum nitri principia, acidus spiritus & sal lixiviosus
fixus segregantur, sed ipse nitri spiritus in sua principia
terram & aquam dissolvitur, quæ aqua ope ignis in va-
porem elasticum convertitur. Vide MACQUER *Diction. de*
Chymie titulo *detonation du nitre*, T. I. pag. 342. fqq.
- f) Electricus ignis, ignis communis & lucis materia, mox
in brevius concentrantur volumen, mox iterum resistan-
tiis aut agentibus viribus diminutis in majus spatium ex-
pandun-



panduntur. Id quod vis indicat, qua electrica scintilla fulminans rumpit vitra aut glebas argillaceas, intra quas auri folium continetur, tum quoque violentia ostendit, qua explosa scintilla electrica, aquæ aut spiritus vini guttam, in cameram accensoriam mortarii cerei immissam, in vaporem elasticum vertit, atque globulum ligneum, animæ mortarii immissum ad distantiam 20 vel 25 pedum projicit, quando mortarium cum horizonte angulum semi-rectum efficit. Vide BECCARIA *Electr. art.* §. 592. & SCHMIDT *Beschreib. einer Electrifier - Maschin* pag. 29. §. 21. & 22.

Ignis denique & lucis condensationem, harum materiarum per specula & vitra caustica in focum collectio demonstrat.

§. VI.

Omnia fluida vel incompressilia vel compressilia ex particulis exilibus constant, quæ continuum quoddam efformant, tam quia intercapedinum, inter partes interceptarum areolæ ad cognitam mensuram redigi nequeunt, quam quia partes ipsæ separatim omnem oculorum, vel armatorum aciem effugiunt. Minima enim aquæ vel alius liquidi gutta, æque ac integra massa adhuc ex partibus facile inter se mobilibus constat.

Motu progressivo liquida animalium, in pellucidis ranarum aliorumque animantium vasculis quamvis angustissimis tum quoque adhuc fluunt, postquam jam ultra horæ moram cor ex thorace excisum fuit, quomodo autem harum angustiarum obstacula superarent, quomodo attritus



& adhæſionis ad vaſcula reſiſtentiam vincerent, niſi parti-
culæ vi vitali inſtructæ & exiles & læves eſſent, & ſi non
abſoluta, ſaltem apparente continuitate gauderent. Ex hac
partium & meatuum particulas interrumpentium ſubtili-
tate Ill. SÆGNERUS in propempt. peculiari raritatem lucis
demonſtravit. Patet quoque ſingularis particularum, fluida
conſtituentium, ſubtilitas, ex facilitate, qua in mediis in-
fuſionum guttulis animalcula, ad Chaos Linnei infuſo-
rium pertinentia, natant, quorum animalculorum non-
nulla vix $\frac{1}{1000}$ pollicis longitudinem attingunt. Vide de
iis LEEUWENHOECK, JOBLOT, BACKER alioſque Micro-
graphos. Patet illud denique ex bullis aquæ ſaponacæ,
ubi quidem ſeparatum oleum ab aqua in exteriori bullæ
inflatæ ſuperficie, laminam tenuem & pellucidam efficit,
quæ prouti motu craſſeſcit, colorem radiis minus refran-
gibilibus reſpondentem ad oculos reſlectit. Vide NEWTO-
NUM *Optic.* Lib. II. P. I. pag. 158. ſqq. Poſtremo illud
patet, quod ipſa metalla aliaque mineralia ſoluta ad eam
tenuitatem reduci poſſint, quæ eſt ipſarum partium ſol-
ventis liquoris. Imo quod ipſum etiam aurum ſolutum,
cum aqua conjungi poſſit, vid. BOYLE *hiſtor. fluid. & fir-
mitatis* ſect. V. ſqq. p. 26. ſqq. Continuitati autem fluido-
rum non contradicit, quod aqua, oleum & ſalini liquores
inter tubulorum capillarium & laminarum vitrearum in-
terſtitia colligantur & ultra libellam aſcendant, aut quod
hæc fluida formam guttarum accipiant, & ex ſpeculis vi-
treis dependeant, nec ex ponderis ſollicitatione decidant,
niſi majores ſint, vid. MARIOTTE *Traité du mouv. des eaux*
I. part. I. diſcours, T. II. p. 332. aut quod tenuis acus
chalybea & laminæ metallicæ tenuiores, ut etiam globuli
mercuriales in extima horum liquidorum ſuperficie ſuſti-
neantur, neque in fluidis, quamvis in eodem volumine
minus ac iſta corpora ponderantibus, ſubſidant, id quod
evenit, quia ponderis harum rerum actio, partium flui-



darum tenacitatem superare nequit vide cl. PETIT *Mém. de l'Acad. R. des Sc.* 1731. p. 83. sqq. Hæ adhæſiones, viribus attrahentibus, maſſis impreſſis, proportionales, continuitatem fluidorum non infringunt, quia ſi guttulæ etiam aquæ ex lævibus ſuperficiebus, quibus adhærent, non decidunt, aut in tubis capillaribus aſcendant, tamen particulæ his liquoribus intermixtæ facillime dimoveantur. Hinc optime cl. SEGNER *in propempt. de Natura fluidorum* obſervavit: “Licet ea cohæſionis ſpecies, quæ motum
„partium juxta ſeſe prohibet, naturæ fluidæ prorſus re-
„pugnet, interim tamen ea cohærentia, quæ partium di-
„vulſioni reſiſtit, fluidis ineſt, nec fluiditatem eorum im-
„minuit, cum fluida nil præter expeditiſſimam figuræ
„mutabilitatem requirant. Verum figuram corporis in
„aliam quamlibet mutari, ſolo motu partium inter ſe,
„ſine neceſſaria partium divulſione fieri poteſt.”

§. VII.

Quænam ergo ſit figura partium fluida componentium, certo determinari non poteſt: multo tamen tenuiores, læviores & duriores ſunt illis particulis, quæ farinam, ſabulum, lycopodii ſemen aut alios tenues pulveres, etiam ſe ad figuram continentium vaſorum aliquo modo accommodantes, conſtituunt. Attamen non abſque veriſimilitudine eſt, fluidorum particulis integrantibus figuram ſphæricam competere, cum quoniam hæc figura in majoribus & viſibilibus plurimorum liquorum partibus occurrit, tum quoniam aër ex corporum aggregatione & compoſitione liberatus ſub forma veſicula-



rum sphæricarum apparet, deinde quia plures alii liquores in minimas moleculas redacti globulos referunt, denique quia figura sphærica minimum numerum punctorum contactus inter particulas suppeditat.

Figuram sphæricam fluidorum elementis competere, jam LUCRETIVS adnotavit Lib. II. *de Rer. natura* vers. 451. sqq.

*Illa autem debent ex levibus atque rotundis
Esse magis fluido quæ corpore liquida constant.
Nec retinentur enim inter se glomeramina quæque
Et procursus idem in proclive volubilis extat.*

Hanc autem figuram non tantum aër & alia fluida elastica aëri affinia ex dissolutis in variis liquoribus, metallis, salibusque explicita sensibus offerunt, sed mercurius quoque, in vaporem ignis actione versus, in mundum speculum vitreum exceptus aut per pellem subactus, per quem sudoris specie in speculum defluit, sub sphæricæ figura cernitur. MUSSCHENBR. l. c. T. I. p. 44. Aqua ferro ardenti injecta, sub forma globulorum ex ferro exilit not. LEIDENFROST *de Aquæ comm. propriet.* §. 15. Vapores aquei, ex Æolipila calefacta exientes, radio solari in cameram obscuram directo expositi & lente amplificante examinati globosam speciem habent teste DERHAMO apud MUSSCHENBR. l. c. T. II. §. 1233. Sanguinis, feri & aliorum liquorum animalium elementa sphærica esse, vel saltem proxime hanc referre figuram, LEEUWENHOECK, REICHELTVS, alique Physiologi notaverunt. Oleum olivarum aut terebinthinæ cum aqua conjunctum, magnum numerum globulorum suppeditat. Vide etiam quæ de globositate aliorum fluidorum Ill. SEGNER in *Act. Gætting.* T. I. pag. 301. sqq. & MUSSCHENBR. l. c. T. I. §. 1017. sqq. obser-



varunt. Cæterum varias de variorum fluidorum formis hypothesis HARTSOECKER in *Princ. phys.* p. 100. sqq. attulit.

§. VIII.

Quamvis autem fluida ex particulis sphæricis constare verisimile sit, non tamen in omnibus diametri sphæricularum integrantium æquales, nec in omnibus fluiditatis gradus pares inveniuntur. Interdum enim densiora fluida per meatus quorundam corporum transeunt, qui tamen rarioribus fluidis transitum denegant. Itaque quamvis in omnibus fluidis partes juxta se invicem positæ facile inter se moveantur, attamen ea facilitas non in omnibus eadem est. Aqua verbi gratia per vesicam & chartam madidam transit, quamvis poros hos aër non superet *a*). Præterea mercurius profunde in aurum, argentum, stannum, plumbum sese insinuat & hæc densissima corpora solvit, cum e contraria parte aqua pura a tenuissimis ex his metallis fabricatis globis contineatur, nec eos erodat *b*). Sæpe etiam accidit, subtilia fluida, quæ facillimas & apertissimas vias trans metalla inveniunt, per multo rariora corpora ægre progredi, ita ignis electricus, difficulter per aërem transfertur, inque eo multo majus quam in durissimo metallo motus progressivi impedimentum offendit *c*). Ita quoque lux facile per aërem & reliqua pellucida transit, atque per poros metallorum, nisi in tenuissimas redacta fuerint lamellas, minime transgreditur *d*).

pide in lapides, metalla &c. sese insinuat, inque ipsis diutius retinetur, si panno laneo & plumis involvantur, quam si alii metallo includantur, ita ut exinde pateat, ignem facilius per poros metallorum quam interstitia lanæ similiumque corporum avolare e).

a) Jam de LANIS, BOYLE, STURMIUS aliique clari Physici notarunt, per chartam & vesicas aquam exsudare, cum tamen aër communis difficulter earum poros superet, quare cum hæc materia magnum usum in varias artes mechanicas habeat, Ill. DE REAUMUR hæc curatius examinavit, atque in peculiari dissertatione *Comment. Acad. R. Sc. Par.* pro anno 1714. p. 73. & sqq. inseruit, ostendens 1) per omnis generis chartæ siccæ præcipue autem tenuioris poros aërem rapide satis transgredi, 2) trans chartam madidam, quamdiu humectata sit, aërem sensibilem exitum non assequi. Idemque etiam aliquatenus circa lintea madefacta locum habere observavit, cum aër per vela navium madefacta difficiliorem transitum patiatur quam per sicca, atque hinc vela madida a vento magis, quam sicca tumefieri. Notavit præterea, cum aqua cito a charta avolet, præstare ad aëris per chartam transitum impediendum, ut hæc oleo inungatur. Observavit præterea non absimilia circa pergamenum, quod siccum aëri transitum concedit, humidum vero aut oleo imbutum aëris transgressui obstat. Vesicas quoque suillas, quæ siccæ aërem aliquatenus transmittunt, oleo inunctas aëri omnem viam occludere, hinc optime ad valvulas pro machinis pneumaticis adhiberi, cl. KÆSTNER in *Elem. Aërometr. Curs. Math.* T. II. p. 123. §. 48. observat. Tales autem vesicales valvulas primum commendavit Ill. DE WOLF in descriptione antliæ pneumaticæ minoris, quam dedit in



nützl. Versuch Tom. I. §. 139. pag. 367. Illas ulterius emendavit SMEATON in descriptione antliæ pneumaticæ *Transact. Philos.* Vol. 47. Art. 69. inserta.

b) Alia etiam exempla afferri possunt, circa densiores materias liquidas per poros quorundam corporum trans-euntes, quæ tenuiora fluida non admittunt. Ita acidi spiritus metalla erodunt, quæ diutissime aquam sine læsione continent. Præterea HOMBERG stibium vel antimonium præparavit, ut ceræ instar fusile esset, cum hujus materiæ parum laminæ argenteæ imposuisset, leni subministrato igne, stibium liquatum fuit, & lamellam argenteam sic pervasit, ut aqua chartam bibulam pervadere solet. Vide DUHAMEL *Histor. Acad. R. Sc. Par.* p. 370. HOMBERGIUS præterea a pluribus aliis fluidis metalla extra fusionis statum posita penetrari observavit, *Mem. de l'Acad. R. des Sc.* 1713. pag. 405. sqq. cum tamen nec spiritus vini, nec aqua vel sub forma liquidi pellucidi, sive sub ea vaporis apparens, ea superare potuerit. Ita etiam in marmor spiritus vini, qui resinas solvit, profunde penetrat, observ. Ill. DU FAY *Mem. de l'Acad. R. des Sc.* 1728. p. 80. sqq. cujus tamen poros aër non profunde & nonnisi lente transgreditur.

c) Aër ficcus inter cohibentia corpora adeo eminent, ut nisi in apices tenuiores abeant in eo suspensa corpora, electricum ignem alias deferentia, aër electricam materiam in his corporibus diutius, quam densiora insulantia facere solent, cohibeat. Vide Rev. BECCARIA in *Electr. artif.* Cap. I. p. 5. §. 21.

d) MUSSCHENBR. l. c. §. 842.

e) Exinde deducitur diversam particularum varia fluida constituentium figuram earumque ad figuram vaforum ipsa



recipientium accomodationem plus minus justam non unicam esse aut faciliorem aut difficiliorem per corporum interstitia transitus, sed hæc ab aliis causis motus corporum alterantibus, retardantibus, accelerantibus derivandas esse, quarum causarum effectus attractiones & repulsiones appellantur, uti illud præcipue variæ circa chemicas affinitates firmorum & fluidorum corporum factæ observationes clarissime ostendunt. Conf. NEWTON *Opt.* L. III. Quæst. 29. p. 299.

